



SAOPŠTENJE ZA JAVNOST

Potvrđena optužnica zbog Teških krivičnih djela protiv bezbjednosti javnog saobraćaja na tzv. „Malezijskom putu“

(Brčko, 28.08.2025. godine)

Osnovni sud Brčko distrikta BiH potvrdio je optužnicu protiv Marije B. (39)* iz Lopara zbog osnovane sumnje da je učinila “Teška krivična djela protiv bezbjednosti javnog saobraćaja” usljed kojih se dogodila teška saobraćajna nezgoda na regionalnom putu R-460 tzv. „Malezijski put“ u kojoj su smrtno stradala četiri lica.

Podsjetimo, u ranim jutarnjim satima dana 03. decembra 2024. godine na tzv. „Malezijskom putu“ u Brčkom dogodila se teška saobraćajna nezgoda sa tragičnim posljedicama u kojoj su život izgubila četiri lica Kata Geljić, Stjepan Geljić, Ivo Geljić i Tomo Matanović svi iz Brčko distrikta BiH. Tužilaštvo Brčko distrikta BiH je u proteklom periodu prioritarno sprovedo cijeli niz istražnih radnji, mjera i aktivnosti u cilju utvrđivanja svih važnih činjenica za ovaj tragični događaj. Na osnovu rezultata brojnih vještačenja iz različitih oblasti utvrđeno je postojanje dovoljno jasnih dokaza iz kojih proizilazi osnovana sumnja da je Marija B. (39)* učinila „Teška krivična djela protiv bezbjednosti javnog saobraćaja“ u sticaju, zbog čega je ovo Tužilaštvo protiv nje podiglo optužnicu na dan 13. august 2025.godine.

Optuženoj Mariji B. (39)* iz Lopara stavlja se na teret da se kao učesnik u saobraćaju na putevima, dana 03. decembra 2024. godine, nije pridržavala saobraćajnih propisa prilikom poduzimanja radnje preticanja teretnog vozila suprotno odredbama člana 36 stav 1) i člana 57 stav 1) Zakona o osnovama bezbjednosti saobraćaja na putevima u BiH, čime je ugrozila javni saobraćaj i dovela u opasnost život ljudi usljed čega je prouzrokovala smrt četiri lica i tešku tjelesnu povredu jednog lica.

Nakon potvrđivanja optužnice, krivični postupak pred Osnovnim sud Brčko distrikta BiH nastaviti će se u ovom krivičnom predmetu zakazivanjem ročišta za izjašnjenje o krivici optužene.

****Ovom objavom ne prejuducira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****

**VRŠILAC DUŽNOSTI
GLAVNOG TUŽIOCA**

RADMILO IVANOVIĆ